



仁仁有餘減磅正晒 紫荊拼搏卡士十足

鼎爺

本期三T有多寶，睇落熱頭冷腳居多，一於三關搵雙膽博吓。第五場四班1400米，「戀愛狂」呢隻新西蘭PPG，狀態嚟得好快，嚟香港第二場已經夠膽落飛，由30倍打到17倍，田泰安晨早咬住食胡位，直路畀落去反應勁到爆，贏起嚟相當Easy，跟住兩場都跑得唔差，尤其上場初上1400米排14檔，田泰安拖到包尾追近試準，今次排3檔應該幾穩陣。「仁仁有餘」同「戀愛狂」情況差唔多，熱夠身先上1400米，前仗布文贏起嚟好有說服力，上場換莫雷拉追得有咁勁，睇怕131磅有影響，今場方仔換黃智弘減7磅，只要細路仔定定哋，贏理有乜出奇！

旗幟鬥士冷門玩得過

第六場四班1600米，「英駿飛駒」轉倉第二場已經彈甩「東方飛影」同「金主」贏馬，游達榮招牌省到立立觀，上場輪檔都跑得好，今次艾道拿揀騎，非常睇好佢。「龍文鞭影」

三T提供(64注)		
第五場	第六場	第七場
3 戀愛狂	6 英駿飛駒	3 紫荊拼搏
4 仁仁有餘	7 龍文鞭影	4 勁沙塵
1 喵喵怪	1 旗幟鬥士	1 泰泰精神
7 金鑽八十	5 火焰閃爍	8 隨緣得勝
9 做好自己	10 君智盛	10 加非凡
11 新力驕	11 精算特殊	14 銳一
4注	4注	4注

紅字為馬膽

一早走晒光，上場10倍出擊跑第二，可能要熱食交代。「旗幟鬥士」眨吓眼落到四班，用黃智弘減磅兼排1檔，冷門玩得過。

第七場四班1400米，「紫荊拼搏」係一隻好有卡士新馬，袁在曾經心律不正，好在希斯已經搞番正隻馬，潘頓上場跑完第二唔放手。「勁沙塵」連跑兩場第二，布文攞實佢唔可以走雞！

跑得好快四班出招



黎昭昇馬房今季成績不似預期，幾隻馬轉倉有耐就畀新接手練馬師爆樽，新鮮熱辣例子係禮拜三晚有「納百川」，佢同「愛心神駒」「魔術控制」各贏三場，認真有面，所以馬房陣容都縮咗水，好在黎廠近來都有馬贏，士氣都唔算差。

禮拜日黎昭昇第三場隻「跑得好快」，上季由賀銘年爆30倍冷W贏田草1400米，今季初成績績沉，前仗落到四班跑谷草1200米，艾道拿後上第二，輸畀今季2W嘅「北地烈馬」，表現唔錯，點知再出跟前咗，直路腳仔軟跑第六。

「跑得好快」今次跑番接近過嘅田草1200米，排3檔靚位幾好跑，艾道拿唔放手，同場有馬轉移視線，唔好當佢冇到。



冷門WP		
第三場	1	跑得好快

去年今日 本地倉威盡



周日主題賽事遮打盃，上屆由艾柏賓訓練及布宜學策騎之「桀驁之戀」勝出，成為首匹外隊攻陷這場2400米G1。雖然港隊失落遮打盃，但本地倉這天非常醒神，包辦其餘九場頭馬，起仔練馬師包括呂健威「開心寶寶」及「龍之輝」、丁冠豪「同得威」及「大浪圖田」，其餘告東尼、姚本輝、羅富全、容天鵬及葉楚航各建一功，其中葉廠「光明傳承」不但爆165倍冷W，搭「精英雄心」Q派1.1萬，非常和味，「光明傳承」周日乘勝追擊，且看能否再建功。



●葉楚航上季遮打盃賽日，爆165倍「光明傳承」。

晨操系列 試闖陷阱XI



每個馬房安排馬匹何時試闖和出賽，風格均各異，某程度要配合馬匹飼料和針劑作出相應的調整。舉個例子，坊間稱蔡約翰安排旗下馬匹在出賽前一週內試闖為「加油闖」，通常試闖後很快便上陣，有時候會取代最後試跑，這種操練唯獨在這位冠軍練馬師手上玩得出神入化，很多馬匹都能在闖後提升狀態之餘，體力又能迅速恢復，另外曾跟隨過蔡約翰擔任其副練的伍鵬志近來也有這種操法，當然成功率不及前者。然而這種操練對馬匹的體力消耗其實不少，所以有時見到其他馬房有相若操練，反而馬匹因未完全恢復體力而出賽表現不進反退呢！

文：Bryan



●蔡約翰獨門操練手法與眾不同。

性馴最夾希威森 精算特殊可出頭



明天大賽日跑A欄全開跑道，全日唯一的1600米賽事是第六場第四班，細看此場檔位數據，排10檔的勝率與入Q率最高，分別達到19%與30%，這場的10檔馬「精算特殊」，確有值得留意的價值。

今季田草1600米A欄共跑31場，當中10檔其實只出賽27戰，最終錄得5冠3亞3季，勝率不俗，而入Q率幾乎每三匹便有一匹完成任務，只有12檔能與10檔並肩。當然，揀馬總不能盲目只睇檔位，而是要結合上馬匹實力，就以今場的10檔馬「精算特殊」為例，此駒上季是在田草1800米開齋，到今季再捷則是在1400米，反映此馬途程適應力廣，既有長力亦有不俗速度。

有趣的是，容天鵬今季曾找來潘頓三策此馬，結果都是熱倒而歸，不入前四，反而歷來兩捷則分別靠周俊樂與希威森策騎，可見此駒都是性馴易騎，今場續由希威森操刀，肯定人馬合拍，而目前評45分，也較上季

贏馬時為低，根本相當着數，5歲馬仍在盛年，上場1600米跑得季席證明狀態好，今場排好檔位，是出擊之時。

火焰閃爍劣檔盲門

同場尚要留意的是，1、8及13檔位都是盲門未贏過，當中今場8檔的「火焰閃爍」與13檔的「光明傳承」都是新勝此程之馬，尤其「火焰閃爍」上場在艾道拿胯下贏馬，今場卻選擇改配潘頓，牌面更強卻是更加可疑，遇上不利檔位，恐防會有兇險，要捧都是作配較宜。

同日第九場跑三班1000米，此程今季作賽僅得12場，統計基數未算最多，但都有一定參考價值。此場的4檔合共12戰3冠1亞2季，勝出率25%與6檔一樣多，但入Q率則達33%，與13檔同為全場最多。此場4檔是伍鵬志的「添開心」，雖然過往多集中在谷草出擊，但今季中都贏過田草1000米，突然找來麥道朗接手是搏殺格，可以一捧。

金主賽績堅過石堅



今期六寶獎有多寶，而田草A欄開正路馬機會幾高，所以都係俾注為主。六環彩其中一隻穩膽係第十場「金主」，呢隻4歲澳洲PPG，父系「秋陽」贏2000米，既然係正宗氣袋，頭三場由1200米逐步上1600米，等隻馬熱身同慢慢吸收經驗，第四場1600米贏馬開胡，第二至六名「卓越倩鋒」、「勁大威猛」、「英駿飛駒」、「昭易盪」同「光明傳承」跟住起碼執一W，賽績堅過石堅。

「金主」跟住四場有W有P，上場初跑田草2000米，直路諗住實食有鑊牙，點知過嚟過去過唔到「奔放」跑第二，今次「奔放」排13檔，相反「金主」排2檔，睇嚟可以反先。

六環彩 (18注) 三寶 (3注)		
第六場	第七場	第八場
5 火焰閃爍	3 紫荊拼搏	1 遨遊氣泡
6 英駿飛駒	4 勁沙塵	
7 龍文鞭影		
第九場	第十場	第十一場
10 快靚旺	8 金主	3 增強
		7 南區之星
		8 喜尊龍

舞林密碼輕磅搏殺



郭天王上個禮拜日隻初出馬「舞林寶典」，嚟布文精湛發揮之下Easy Win，賽後方嘉柏同郭天王好感動，因為隻馬左右兩隻腳都有事，嚟咗差唔多兩年先跑得仲要贏埋，呢對組合超級合拍。今期混合過關揀郭天王第四場「舞林密碼」，呢隻六歲馬每季可以執一場，今年元旦黃智弘第一次跑，一直咬住內欄靚位，直路移咗嚟望空，踩油彈甩晒班對手，贏「友愛心得」兩個幾馬位，上次湯普新好論盡，今次再跑應該會醒。

佳運發四班夠惡

第二場「佳運發」季初用黃寶妮贏完，即刻開動減分程序，連輸八場落番四班，今次阿妹停賽改用黃智弘，咬到靚位有機會。第十一場亂局，玩條鐵三角Q博吓，「增強」用番布文唔同講法，「南區之星」連贏兩場弗到爆，「喜尊龍」上場換潘頓即刻贏到對手有得跑，今次再騎升班都夠砌。



●「舞林密碼」今次繼續用湯普新，不容忽視。

混合過關3×4 (10注)		
第二場 W	第四場 W	第十一場 Q
2 佳運發	6 舞林密碼	3 增強
		7 南區之星
		8 喜尊龍

浪漫勇士榮歸見馬迷 記得準時霸好位



渣打冠軍暨遮打盃會於周日下午4時10分開跑，而同日馬會安排的「世界王者『浪漫勇士』榮歸歡迎儀式」，則會在下午3時10分於馬匹亮相園舉行。沙田和跑馬地馬場當日將於上午10時30分開放入場。

現年7歲的「浪漫勇士」，今季在本土先後贏過馬會盃與香港盃，之後在今年一月開始，遠征中東出戰了三場一級賽，先拿下了傑貝哈特錦標，之後二月與四月則分別在沙特盃及杜拜草地大賽跑得亞軍，更將其保持的全球最高獎金賽駒紀錄，改寫至2.147億港元

今次儀式上，「浪漫勇士」的最佳拍檔、「世一」騎師麥道朗，趁着到港客串出賽，亦會同時亮相與馬迷見面，而馬主劉柏輝、練馬師沈集成及馬房團隊都會齊齊



●「浪漫勇士」的電話繩，極具紀念價值。

現身參與儀式，接受馬迷祝賀。

指定名駒產品有優惠

為歡迎「浪漫勇士」的歸來，沙田馬場「馬場有禮」將於周日推出「浪漫勇士」系列指定產品限定75折優惠*，諸如「浪漫勇士」的專屬電話繩、毛公仔與金屬塑像等，一向都是大受歡迎產品。而同日購買渣打冠軍暨遮打盃指定參賽馬匹精品，亦可享8折優惠*，產品數量有限，售完即止。欲購買「浪漫勇士」與「遨遊氣泡」紀念品的朋友，真是有買趁早呀！

*公價、寄售及特價產品除外



●「浪漫勇士」的塑像製作精美。



●「浪漫勇士」的毛公仔一向搶手。